



杜律單註卷之七

鵲湖陳明輯

錢塘楊祐校

馮孟倉曹將書見上婁舊註

平居喪亂後不到洛陽岑為歷雲山問無辭荆棘深北風
黃葉下南浦白頭吟十載江湖客茫茫遲暮心

鶴曰上婁河南地名

耳聾

生年鵝冠子歎世鹿皮翁眼復幾時暗耳從前月聾後鳴

秋淚缺雀噪晚愁空黃落驚山樹呼兒問朔風

黃曰袁淑真隱傳云楚人有隱居山中以鵝為冠因號鵝冠子洙曰劉向列仙傳云鹿皮翁菑川人居岑山上百餘年下賣藥於市○公自言耳聾既如鵝冠子矣眼復幾時暗耶猶詩所謂尚寐無聰之意也今則後鳴雀噪皆不聞而無愁無淚矣尚有眼之為累耳故末句云然賦也

小園

由來巫峽水本自楚人家客病留因藥春深買為花秋庭風落果讓岼雨頽沙問俗營生事將詩待物華

夜

絕岸風威動寒房燭影微巔猿霜外宿江鳥夜深飛獨坐親雄劔哀歌歎短衣煙塵繞閭闔白首壯心違

言巫峽客居寒夜之景物於是獨坐哀歌觀雄劔歎短衣者何哉蓋以我之壯心本欲佳君濟時今也老無能為而朝廷之亂未息故爾興而賦也

奉送韋中丞之晉赴湖南

寵渥徵黃漸權宜借寇頻湖南安背水峽內憶行春王室仍多故蒼生倚大臣還將徐孺榻處處待高人

鶴曰韋之晉為衡州刺史東方朔外傳郡守四馬駕車一馬行春韋嘗守峽中郡○詩送韋赴潭州刺史而以徵黃借寇之事羨其恩寵其曰安肯水言其曾為湖南都團練使故也憶行春言其曾作守峽中也且言王室仍舊多故而蒼生惟倚大臣尚宜招賢下士如陳蕃可也勉之之詞賦也

聞惠子過東溪

惠子白驢瘦歸溪唯病身皇天無老眼空谷滯斯人崖蜜

松老熟山盃竹葉春柴門了生事黃綺未稱臣

定功曰本草白密一名崖蜜蓋蜂作密於崖石間也○言惠子乘白驢歸去唯餘病身而已因歎皇天無眼而使斯人沉滯於空谷耶乃謂崖密成於松老山盃傾夫竹葉以了生事如四皓之隱亦無憾焉勉之

之詞賦也

自褒西荆扉且移居東也茅屋四首

白鹽危嶠北赤甲古城東平地一川穩高山四面同煙霜

凄野日秔稻熟天風入事傷逢轉吾將守桂叢

殊曰徒南王招隱士賦桂樹叢生兮山之幽○言東屯當白鹽之北赤甲之東其地平易則一川穩而秔稻熟天風矣其山高聳則四面同而煙霞凄野日矣今我避地而自傷轉蓬將於此守桂叢而居焉賦也

東屯復讓西一種住清溪來往蕪茅屋淹留為種畦市喧

宜近利林僻此無蹊若訪衰翁語須令賤客迷

公自註西居近市易巽為近利市三倍夔弼曰陸機詩遊賞愧賸客○言東屯瀼西而地一般清溪而往來淹留於其間者為稻田茅屋耳夫市喧則宜近利然非吾所好此雖地僻無蹊絕勝西居之近市若賸客欲訪衰翁路亦須迷言此地清幽也賦也

道北馮都使高齋見一川子能渠細石吾亦沼清泉枕帶

還相似柴荆即有焉斫畚應費日解纜不知年

夔弼曰畚燒榛種田也劉夢得竹枝歌云長刀短笠去燒畚○首句不可曉或曰道北乃馮都使之宅而高齋見一川馮子能渠細石而我亦沼清泉故柴荆亦得枕帶渠沼而有之首二句生次聯而三聯則承上以起下未言解纜不知何年故斫畚開荒應須費日謂未有歸期而然也賦也

半落西江外參差北戶間久遊巴子國臥病樊人山幽獨

移佳境清深隔遠關寒空見鷓鴣回首想朝班

言茅屋卜居於西江外北戶間者蓋以久遊卧病於巴楚故爾且愛其地幽獨清深故移佳境而隔遠未言於寒空見鷓鴣而想朝班若公者豈非身江湖而心魏闕者耶賦也

題柏大兄弟山居屋二首

叔父朱門貴郎君玉樹高山居精典籍文雅涉風騷江漢

終吾老雲林得爾曹哀絃繞白雪未與俗人操

鶴曰柏大兄弟當是柏貞節之子姪希曰古稱貴人之子及嘗事其父者曰即君尹曰記絃聲哀夢符曰

宋王對楚襄王曰客有歌郢中者為陽春白雪屬而和者數十人而已○言相大兄弟乃朱門之貴胃却於山居以精典籍且文雅而涉風騷豈非所謂玉樹高者耶次自言江漢將終吾老而雲林乃得爾曹以慰吾幽獨非俗人比故為之一操白雪而音繞哀絃賦而比也

野屋流寒水山籬帶白雲靜應連虎穴喧已去人羣筆架

霑窓雨書籤映隙曛蕭蕭千里馬箇箇五苓文

言山居内外景物之清雅而人品異常首二句生中四句末以良馬比相大兄弟之異常賦而比也

東屯北峽

盜賊浮生困誅求異俗貧空村唯見鳥落日未逢人步壑

風吹面看松露滴身遠山田白首戰地有黃塵

夜二首

白夜月休弦燈卷半委眠驢山無定鹿落樹有驚蟬暫憶

江東鱠蕪懷雪下船臺歌犯星夜夜重覺在天邊

城郭悲笳暮村遠過翼稀甲兵年數久賦歛夜深歸暗樹

依巖落明河繞塞微斗斜人更望月細鵲休飛

茅堂檢校奴稻二首

香稻三秋末平田百頃間喜無多屋宇幸不礙雲山御袂

侵寒氣甞新破旅顏紅鮮終日有玉粒未吾慳

稻米炊能白秋葵煮復新誰云滑易飽老籍軟俱勻種辛

房州熟苗同伊闕春無勞映渠盃自有色如銀

鄭曰唐志房州與夔同屬山南道伊闕在河南府魏文帝有車渠盃渠盃梁陸倕蠡盃銘曰珍逾渠盃

秋野五首

秋野日疏蕪寒江動碧虛繫舟蠻井絡卜宅楚村墟棗熟

從人打葵荒欲自鋤盤飧老夫食分減及溪魚

涿曰蜀都賦岷山之精上為井絡○言秋野卜宅則在於楚之村墟寒江係無則在於蠻之井絡然棗熟

葵荒應首句而分食以及溪魚應次句其仁民愛物之心見於言外賦也

易識浮生理難教一物違水深魚極樂林茂鳥知歸吾老

甘貧病榮華有是非秋風吹几杖不厭北山薇

首聯為綱次聯承二句後四句應首句賦也

禮樂攻吾短山林引興長掉頭紗帽側曝背竹書光風落

叔松子天寒割蜜房稀疎小紅翠駐屐近微香

言禮樂攻吾短故山林引興長以下六句皆攻吾短引興長之事賦也

遠岸秋沙白連山晚照紅潛鱗輸駭浪歸翼會高風砧響

家家發樵聲箇箇同飛霜任青女賜被隔南宮

洙曰後漢樂崧直南宮家貧無被帝聞而嘉之詔太官賜尚書郎以下食并給帷被○此言秋野之晚首

四句交互相應言秋野寒江後四句言砧響樵歌而懷南宮之賜被謂不得歸朝而流轉於此興而賦也

身許麒麟畫年衰鷓鴣群大江秋易盛空峽夜多聞徑隱

千重石帆留一片雲兒童解蠻語不必作參軍

洙曰晉郝隆為南蠻參軍上巳日作詩曰妣隅曜清池桓溫問何物曰名魚為妣隅溫曰何為作蠻語隆

曰千里拔公始得蠻府那得不蠻語也○言平生自許立功將圖形麒麟而衰年得為省郎今又流寓於

此而以江峽錯綜為句以寫秋野之景物末云兒童解蠻語不必作參軍其詞愈緩而意愈悲賦也

秋清

高秋蘇肺氣白髮自能梳藥餌增加減門庭悶掃除校藜

還客拜愛竹遣兒書十月江平穩輕舟進所如

首言秋高病愈自能梳擲藥餌惡加減之無效門庭悶掃除之不淨校藜以答客拜愛竹則遣兒書末言江平穩而舟可進矣謂病愈可以出峽賦也

瞿唐兩崖

三峽傳何處雙崖壯此門入天猶石色穿水忽雲根猿猱

鬚鬣古蛟龍窟宅尊羲和冬馭近愁畏日車翻

言瞿唐峽兩崖高起入天穿水而壯此門三聯言入天則猱攫須髯古言其不為人所得而老於此也穿水則蛟龍窟宅尊言其渚藏於此而無他虞也未言羲和冬馭過此畏日車之翻而為之愁賦無此也

瞑

日下四山陰山庭風氣侵牛羊歸徑險鳥雀聚枝深正枕

當星劔叔書動玉琴半扉開燭影欲掩見清砧

言日落山陰而牛羊歸徑鳥雀聚枝山庭風急而叔書正枕以動琴劔扉半開及掩則見燭影清砧皆書秋晚之事賦也

雲

龍以瞿唐會江依白帝深終年常起峽每夜必通林叔獲
辭霜渚分明在夕岑高齋非一處秀氣豁煩杵

晨雨

小雨晨光內初來葉上聞霧交絕灑地風送旋隨雲暫起
荆扉色輕霑鳥獸群麝香山一半亭午未全分

言晨雨細而葉聲微故霧交則絕灑地而輕霑鳥獸群風送則旋隨雲而麝起荆扉色是以麝香山亭午而一半不分明皆形容陰霧多而雨細也賦也

獨坐二首

竟日雨冥宜雙崖洗更青水花寒落岼山鳥暮過庭煖老
須燕玉充饑憶楚萍胡笳在樓上哀怨不堪聽

一趙曰古詩云燕趙多佳人美者顏如玉○言終日冥
冥雨而雙崖洗更青矣是以水谷寒則落岸山鳥暮
則過庭吾於獨坐之際須燕玉以煖老憶楚萍以充
饑忽聞胡笳之哀怨而不忍聽與而賦也

白狗斜臨北黃牛更在東峽雲常照夜江日會無風晒藥

安垂老應門試小童亦知行不逮苦恨耳多聾

言東屯瀼西之地白狗峽斜臨其北黃牛峽更在其
東而峽雲常照夜江日會兼風叙其地之景物也次
言晒藥欲以安垂老之疾病應門則以試小童之能
否然亦自知行之不逮且恨耳聾而獨坐耳故辭愈
緩而意愈悲賦也

雨四首

微雨不滑道斷雲疎復行紫崖奔處黑白鳥去邊明秋日

新雪影寒江蘓落聲柴扉臨野碓半濕搗香杭

江雨舊無時天晴忽散絲暮秋霑物冷今日過雲遲上馬

迴休出看鷗坐不辭高軒當灑灑潤色靜書帷

物色歲將晏天隅人未歸朔風鳴淅淅寒雨下霏霏多病
久加飯衰容新授衣時危覺凋喪故舊知書稀

楚雨石苔滋京華消息遲山寒青兕叫江晚白鷗饑神女
蒼鈿落鮫人織杼悲繁憂不自整終日灑如絲

反照

反照開巫峽寒空半有無已低魚復暗不盡白鹽孤荻岸
如秋水松門似畫圖牛羊識童僕既夕應傳呼

首二句生中四句皆所以委曲形容反照之美末言既夕則牛羊識牧童之呼而應之以結上六句賦也

向夕

畎畝孤城外江村亂水中深山催短景喬木易高風鶴下

雲汀遠雞栖草屋同琴書散明燭長夜始堪終

首六句皆模寫江村向夕之景物末言散琴書於明燭之下乃可以消遣長夜亦無可奈何之辭賦也

大曆二年九月三十日

為客無時了悲秋向夕終瘴餘夔子國霜薄楚王宮草
虛風翠蒼禁冷葉紅年年小搖落不與故園同

言為客未得歸故向夜終而悲秋此地雖瘴餘霜薄而草翠蒼紅蓋與楚之國每年小搖落自與故園不同賦也

十月一日

有瘴非全歇為冬亦不難夜即溪日暖白帝峽風寒蒸裹

如千室煨糖幸一梓茲辰南國重舊俗自相歡

涿曰夜即西南夷也捷為有夜即溪蒸裹煨糖夔俗之節物也○言十月一日此地有瘴非全歇則夜即終日暖為冬亦不難則白帝峽風寒是日也南國之所重者七俗以蒸裹煨糖饋遺以相歡洽蓋記變之氣候風俗節物也賦也

戲作俳諧體遣悶二首

異俗吁可怪斯人難並居家家養烏鬼頗頗食黃魚舊識難為態新知已暗踈治生且耕鑿只有不關渠

沈存中曰烏鬼鷓鴣也○此歎夔州俗異可怪入難並居次聯應首句三聯應次句未言我惟耕鑿以治生耳就有此異俗斯入亦與渠不相關所謂遣悶者是也賦也

西歷青羗坂南留白帝城於菟侵客恨秬救作人情瓦卜

傳神語畚田費火穀是非何處定高枕笑浮生秬音舉切救音汝

公自註頃歲自秦涉隴從同谷縣出遊蜀留滯於巫山也涿曰左傳楚人謂虎為於菟蒼舒曰宋玉招魂秬救密餌有銀鯉註蜜和米麩煎作之○言西歷南留於菟秬救瓦卜畚田且是非之不定此皆可悶者惟浮生高枕一咲以遣之耳賦也

有歎

壯心久零落白首寄人間天下兵常闖江東客未還窮猿
號雨雪老馬望關山武德開元際蒼生豈重攀

公自註傳蜀官軍自圍普遂洙曰武德高祖年號開元明元年號○公自言壯心零落已久老猶僑寓他鄉且天下之兵未息而江東之客未還時公弟在江東也是以如窮猿失木而號雨雪老馬知途而望關山也及想武德開元之盛世則今日蒼生豈能復見之耶題曰有歎良以是矣賦無比也

白帝城樓

江度寒山閣城高絕塞樓翠屏宜晚對白谷會深遊
急能鳴鴈輕輕不下鷗夷陵春色起漸擬放扁舟

夢弼曰夷陵峽川也○言白帝城樓依絕塞而俯大江中西句錯綜書所見以應首聯未言來春將出峽賦也

夜宿西閣曉呈元二十一曹長

城暗更籌急樓高雨雪微稍銷綃幙霽遠帶玉繩稀
門鵲晨光起檣烏宿處非寒江流甚細有意待人歸

西閣口號呈元二十一

山木抱雲稠寒空繞上頭雲崖纔變石風幔不依樓
杜稷堪流涕安危在運籌看君話玉室感動幾銷憂

首四句書西閣所見之景物次言社稷之危固堪流涕然看君言王室治亂之道在乎運籌如何耳故使我幾回感動而銷憂也興而賦也

奉送卿二翁統節度鎮軍還江陵

火旗還錦纜白馬出江城
嘹唳吟笳發蕭條別浦清
寒江巫峽曙落日涓陽情
留滯嗟衰疾何時見息兵

鶴曰卿二翁姪崔乃公舅氏

白帝樓

漠漠虛無裏連連睥睨侵
樓光去日遠峽影入江深
臘破

思端綺春歸待一金
去年梅柳意還欲攪邊心

江梅

梅葉臘前破梅苞年後多
絕知春意早最柰客愁何
雪樹元同色江風亦自波
故園不可見巫岫鬱嵯峨

此公在夔見梅苞因歎春已回而客未回故曰絕知春意最早柰客愁何三聯應題及起語末章應次聯興也

庭草

楚草經寒碧庭春入眼濃
舊低叔葉舉新掩捲牙重步履

宜輕過開筵得屢供看蒼隨節序不敢強為容

言楚地之草經寒猶碧况庭前得春之草而生意滿
眼矣於是形容草之生長言舊葉低垂者收斂而新
葉舉矣新芽出土而一掩一卷者重重矣過庭者步
宜輕勿踐履以傷之誠若是倘開筵亦得屢以供目
若看蒼則各隨節序不敢強為容矣賦也

巫山縣汾州唐使君十八弟宴別兼諸公携酒樂相

送率題小詩留于屋壁

卧病巴東久今年強作歸故人猶遠謫茲日倍多違接宴
身無杖聽歌淚滿衣諸公不相棄擁別借光輝

春夜峽州田侍御長史津亭留宴得筵字

北斗三更席西江萬里船杖藜登水榭揮翰宿春天白髮
須多酒明星惜此筵始知雲雨峽忽盡下牢邊

泊松滋江亭

紗帽隨鷗鳥扁舟繫此亭江湖深更白松竹遠還青一柱
全應近高唐莫再經今宵南極外甘作老人星

言扁舟隨鷗而泊此亭次聯承之次言去荊州則近
而高唐不再來矣何哉自今以後甘作老人星於南
極之外故爾賦也

乘雨入行軍六弟宅

曙角凌雲罷春城帶雨長水蒼分塹弱巢燕得泥忙令弟

雄軍佐凡材汚省即萍漂忍流涕衰颯近中堂

鶴曰時杜位為江陵行軍司馬○首四句言春城朝雨之景物末四句稱羨六弟之賢而自述飄零衰老之情話應題意賦也

上巳日徐司錄林園宴集

鬢毛垂領白蒼葉亞枝紅歌倒衰年廢招尋令節同薄衣
臨積火吹面受和風有喜留攀桂無勞問轉蓬

涿曰潘岳賦斑鬢髮以承弁兮素髮颯以垂領劉安招隱士云攀援桂枝兮聊淹留○首言髮白蒼紅而語不衰颯乃承之曰我以老年而廢遨遊公以令節而招宴集次言上巳天氣時服卒章言司錄留我攀桂則有喜問我轉蓬則無勞賦也

宴胡侍御書堂

江湖春欲暮墻宇日猶微閣閣書籍漏輕輕蒼絮飛翰林
名有素墨客興無違今夜文星動吾儕醉不歸

公自註李尚書之芳鄭秘監審同集得歸字涿曰漢揚雄作長楊賦藉翰林以為主人子墨為客卿以風○首句主第四句言春暮而第三句承次句言書堂及晚景三聯美主賓之賢而以今夜文星醉不歸結

之賦也

南征

春岸桃峇水雲帆楓樹林偷生長避地適遠更沾襟老病

南征日君恩北望心百年歌自苦未見有知音

言春水漲而舟行乃自傷偷生適遠者何哉我雖老病南征而君恩不能自忘故爾末章其自傷也至矣賦也

地隅

江漢山重阻風雲地一隅年年非故物處處是窮途喪亂

秦公子悲涼楚大夫平生心已折行路日荒蕪

沫曰謝靈運擬魏公子鄴中詩序王粲家本秦川貴公子孫遭亂流寓自傷情多楚大夫屈原宋玉也○言江漢之間乃地之一隅而重重山阻自蜀至荊州固非一年亦非一處故云然蓋因遭亂悲涼如王粲屈宋輩且不已于行而心折矣賦也

歸夢

道路時通塞江山日寂寥偷生惟一老伐叛已三朝雨急

青楓暮雲深黑水遙夢歸歸未得不用楚辭招

趙曰楚地多楓木黑水在鄆杜之間去長安近○言兵亂涉三朝而未息是以道路時通時塞而江山寂

夢故我避地偷生于此當雨急青楓之暮夢歸鄆杜
之黑水而道梗不得歸何必楚詞招之耶賦也

暮春陪李尚書李中丞過鄭監湖亭

海內文章伯湖邊意緒多
玉樽移晚興桂楫帶醇歌
春日繁魚鳥江天足芰荷
鄭莊賓客地衰白遠來過

夏日楊長寧宅送崔侍御常正字入京揆韻得沃字

醉酒揚雄宅升堂子賤琴
不堪垂老鬢還對欲分襟
天地西江遠星辰北斗深
烏臺俯麟閣長夏白頭吟

鶴曰唐志長寧縣屬鎮北大都護府希且唐改秘書省為麟閣

江邊星月二首

驟雨清秋夜金波耿玉繩
天河元自白江浦向來澄
映物連珠斷綠空一鏡升餘光
憶更漏况乃露華凝

江月辭風纜江星別露船
雞鳴還曙色鷺浴自晴川
歷歷竟誰種悠悠何處圓
客愁殊未已他夕始相鮮

舟前對驛近寺

更深不假燭月朗自明船
金刹青楓外朱樓白水邊
城烏啼眇眇野鷺宿娟娟
皓首江湖客鈎簾獨未眠

舟中

風飡江柳下雨卧驛樓邊結纜排魚網連檣並米船今朝
雲細薄昨夜月清圓飄泊南庭老祗應學水仙

趙曰鮑照詩風飡黍松栢雲卧恣天行

江漢

江漢思歸客乾坤一腐儒片雲天共遠永夜月同孤落日
心猶壯秋風病欲蘇古來存老馬不必取長途

趙曰韓非子管仲隰朋從桓公伐孤竹返迷惑失道
管仲曰老馬之智可用也乃放老馬而隨之遂得道

焉○公自言江漢思歸之客如片雲之與天共遠於
水夜則與月同孤雖曰乾坤一腐儒然落日心猶壯
且秋風病欲蘇尚堪一用是自古來存老馬不必取
長途言不用其力用其智耳賦而此也

遠遊

江闊浮高棟雲長出斷山塵沙連越嶠風雨暗荆蠻
街簷內猿啼失木間弊裘蘇季子歷國未知還

首四句以江浮棟雲出山起興又以塵沙風起喻亂
興而此也後四句以馮街蘆北征夫以猿失木蘇秦
自比而歎歷國未知還此而賦也

重題

涕灑不能收，哭君餘白頭。兒童相顧盡，宇宙此生浮。江雨
銘旌濕，湖風并。逕秋還，瞻魏太子賓客，減應劭。

公自註：公歷禮部尚書，薨于太子賓客。洙曰：蕪城賦歌曰：邊風起兮，城土寒。并逕，戚兮。丘隴殘。魏文帝為太子時，應劭劾，並見友善。

獨坐

悲秋田白首，倚杖背孤城。江歛洲渚出，天虛風物清。滄溟
服衰謝，朱紱負平生。仰羨黃昏鳥，投林羽翮輕。

哭李常侍嶧二首

一代風流盡，脩文地下深。斯人不重見，將老失知音。短日
行梅嶺，寒山落桂林。長安若箇處，猶想映招金。

鶴曰：唐志左右散騎常侍，隸門下中書省，皆金璪珥。貂梅嶺，今南安軍。桂林，今靜江府。言李常侍之擬自廣南來也。

青瑣陪雙入，銅梁阻一辭。風塵逢我地，江漢哭君時。次第
尋書札，呼兒檢贈詩。茲揮王子表，不似史臣辭。

洙曰：銅梁，屬中縣。名定公曰：前漢書有王子侯表，李常侍宗室子也。

宴王使君宅題二首

漢主追韓信蒼生起謝安吾徒

飄泊世事各艱難逆旅

招邀近他鄉意緒寬不才其朽

高卧豈泥蟠

宋曰漢高帝入關諸將道一者數十蕭何聞韓信亡自追之晉謝安桓温請為三馬將發高崧戲之曰卿屢違朝旨高卧東山諸人每相與言安石不出將如蒼生何揚子能蟠于泥○言今日世事艱難故吾徒飄泊當如追韓以削亂起謝以為治次自言不才在他鄉逆旅高卧豈若泥蟠之龍耶乃蒙使君招邀以寬愁感激之詞賦也

汎愛容霜鬢留歡上夜闌自吟詩送老相勸酒開顏戎馬
今何地鄉園獨在山江湖墮清月酌酌任扶還

公自言在它鄉惟吟詩以送老乃蒙使君相愛留歡卜夜以設宴會勸酒以開我顏今也戎馬未息鄉園何在宴罷扶歸則月落江湖矣應卜夜開顏等句賦也

久客

羈旅知交態淹留見俗情衰顏聊自哂小吏最相輕去國

哀王粲傷時哭賈生狐狸何足道豺虎正縱橫

宋曰漢書翟公書其門曰一貧一富乃知交態張綱傳豺虎當路安問狐狸○首言久客乃知交態見俗情之相輕惟自哂而已是以去國則哀王粲傷時則哭賈生若小吏者特狐狸爾何足道哉况今正豺虎縱橫言兵亂正甚所可哀可哭者此爾賦而此也

移居公安山館

南國盡多霧北風天正寒路危行木杪身遠宿雲端山鬼
吹燈滅厨人語夜闌雞鳴問前館世亂敢求安

魯曰公安縣屬江陵府吳大帝推蜀先主為左將軍
荆州牧鎮沔口時人號備為左公因名曰公安

官亭夕坐戲簡顏十少府

南國調寒杵西江浸日車客愁連蟋蟀亭古帶垂葭不返
青絲鞚虛燒夜燭蒼老翁滇地主細細酌流霞

鶴曰顏乃公安尉也趙曰瘦信夜聽搗衣詩調聲不
用冷

公安縣懷古

野曠弓蒙營江深劉備城寒天催日短風浪與雲平蘆落
君臣契飛騰戰伐名維舟倚前浦長嘯一含情

鄭曰吳孫權封呂蒙為尋陵侯即公安在漢為尋陵
縣○言在公安見劉備城則懷其君臣之契合今則
深江惟風浪與雲平耳見弓蒙營則懷其戰伐之名
聲今則曠野惟寒天催日短耳故維舟於前浦為之
含情而長嘯焉賦也

公安送李二十九弟晉肅入蜀余下沔鄂

正解柴桑纜仍看蜀道行檣烏相背葭塞鴈一行鳴南紀

連銅柱西山接錦城憑將百錢卜飄泊問君平

夢弼曰晉肅即李賀之父洙曰柴桑里在江州銅柱在交趾錦城成都府也道曰漢嚴君平賣卜於成都市曰閱數人得百錢足自養則閉肆下簾

北風

北風破南極失鳳日威垂洞庭秋欲雪鴻鴈將安歸十年
校氣盛六合人烟稀吾慕漢初老時清猶茹之

泊岳陽城下

江國輸千里山城僅百層岸風翻夕浪舟雪洒寒燈留滯

才難盡艱危氣益增圖南未可料變化有鯤鵬

鶴曰岳陽岳州也居天岳山陽故

八增氣

纜船苦風戲題四韻奉簡鄭十三判官

東岫朔風疾天寒鷓鴣呼漲沙霾草樹舞雪渡江湖吹帽
時時落維舟日日孤因聲置驛外為覓酒家壚

登岳陽樓

昔聞洞庭水今上岳陽樓吳楚東南坼乾坤日夜浮親朋
無一字老病有孤舟戎馬關山北憑軒涕泗流

唐子西云過岳陽樓觀子美詩不過四十字耳氣象
闊放涵蓄深遠殆與洞庭爭雄所謂富哉言乎太白
退之輩率為大篇極其筆力終不逮也○首言登岳
陽樓乃見洞庭之巨浸次言遭亂流寓惟托孤舟而
親朋消息不通故憑軒流涕耳賦也

陪裴使君登岳陽樓

湖闊兼雲霧樓孤屬晚晴禮加徐孺子詩接謝宣城雪岸
叢梅發春泥百草生敢違漢父問從此更南征

宿青草湖

洞庭猶在目青草續為名宿漿依農事郵籤報水程寒水

爭倚薄雲月逝微明湖鴈雙雙起人來故北征

鶴曰青草湖與洞庭湖相連在岳州

宿白沙驛

水宿仍餘照人煙復此亭驛邊沙舊白湖外草新青萬象
皆春氣孤槎自客星隨波無限好的近南溟

公自註白沙初過湖南五里

祠南夕望

百丈牽江色孤舟泛日斜興來猶杖屨目斷更雲沙山鬼

迷春竹湘娥倚暮老湖南清絕地萬古一長嗟

發白馬潭

水生春纜沒日出野船開宿鳥行猶去老叢笑不來人人
傷白髮處處接金杯莫道新知要南征且未迴

歸鴈

聞道今春鴈南歸自廣州見老辭漲海避雪到羅浮是物
關兵氣何時免客愁年年霜露隔不過五湖秋

夢弼曰漲海海名在交趾羅浮山在惠州○言聞道
今春歸鴈來自交廣蓋其避雪則南來而到羅浮見

老則北向而辭漲海故也既而又嘆是物皆關兵氣
何時可免客愁蓋以秋氣盛而霜露嚴故近年為鴈
不過五湖今也來自交廣則玉燭將調而客愁可釋
矣興無賦也

野望

納納乾坤大行行郡國遙雲山兼五嶺風壤帶三苗野
江闊春蒲長雪消扁舟空老去無補聖明朝

公自註服虔曰嶺有五因以為名交趾合浦果有此
嶺夢弼曰裴遜之詩納納江海深黃曰廣州記大庾

始安臨賀桂陽揭陽此五嶺也書註三苗之國左洞
庭右彭蠡○詩言派過之遠延知乾坤之大望遠則

雲山兼五嶺風壤接三苗視近則野對侵江闊春蒲
長雪消今我空老於孤舟之上無補於朝廷耳賦也

入喬口

漠漠舊京遠遲遲歸路賒殘年傍水國落日對春華樹蜜
早蜂亂江泥輕燕斜賈生骨已朽淒惻近長沙

公自註喬口在長沙北界洙曰莊子其人與骨皆已朽矣○詩首言舊京愈遠而歸路愈賒者蓋以衰年傍水國而對春華見早蜂輕燕於樹蜜江泥之間今入喬口則近長沙於是懷賈生而淒惻焉

銅官渚守風

不夜楚帆落避風湘渚間水耕見浸草春火更燒山早泊
雲物悔逆行波浪慳飛來雙白鶴過去杳難攀

適曰長沙有銅官山云楚鑄錢處漢書江南之地火耕水耨註燒草下水種稻及草與稻並生高七八寸因悉芟去復下水灌之草死獨稻長也

衡州送李大夫七丈勉赴廣州

斧鉞下青冥樓船過洞庭北風隨爽氣南斗避文星日月
籠中鳥乾坤水上萍王孫文人行垂老見飄零

洙曰禮諸侯賜斧鉞然後殺李勉鄭惠王元懿之曾孫也

江閣卧病走筆寄呈崔盧兩侍御

客子庖厨薄江樓枕席清衰年病祗瘦長夏愁為情滑憶

雕胡飯香聞錦帶芙蓉匙兼暖腹誰欲致盃羹

夢符曰荆湘間有錦帶其苗嫩脆可食春末開花紅白如錦彦輔曰錦帶吐紋雜也其內脆美堪作臠

潭州送韋貞外迨牧韶州

炎海韶州牧風流漢署郎分符先令望同舍有輝光白首
多年疾秋天昨夜涼洞庭無過鴈書疏莫相忘

酬韋韶州見寄

養拙江湖外朝廷記憶踈溪軒長者轍重得故人書白髮
絲難理新詩錦不如雖無南過鴈看取北來魚

樓上

天地空搔首頻抽白玉簪皇輿三極北身事五湖南懸關
勞肝肺論材愧祀柁亂離難自救終是老湘潭

晚秋長沙蔡五侍御飲筵送殷六叅軍歸澧州覲省

佳士欣相識慈顏望遠遊甘從投轄飲肯作置書郵高鳥
黃雲暮寒蟬碧樹秋湖南冬不雪吾病得淹留

舟中夜雪有懷盧十四侍御弟

朔風吹桂水大雪夜紛紛暗度南樓月寒深北渚雲燭斜

初近見舟重竟無聞不識山陰道聽鷄更憶君

對雪

北雪犯長沙胡雲冷萬家隨風且間葉帶雨不成蒼金錯

囊垂罄銀壺酒易賒無人竭浮蟻有待至昏鴉

珠曰王莽錢名錯刀以金錯其文

送趙十七明府之縣

連城為寶重茂宰得才新山雉迎舟楫江蒼報邑人論交

番恨晚卧病却秋春惠愛南翁悅餘波及老身

趙曰魏文帝與鍾繇書不換連城上之賈註秦昭王以十五城易璧也蘇曰謝玄暉詩茂中半次邀騰○言茂

宰得才如連城之寶故有馴雉迎之種種蒼蒲野如魯恭潘岳矣然吾卧病愁春及與明府論交却恨相見之晚若之縣必有仁惠之政而南翁悅矣其餘波將亦及我焉賦也

歸鴈二首

萬里衡陽鴈今年又北歸雙雙瞻客上一一背人飛雲裏

相呼疾沙邊自宿稀繫書無浪語秋寂故山薇

夢弼曰衡陽有回鴈峰鴈至此不過遇春而回○言在湖南二年鴈又北歸雙雙南來見我於客中一一

北向背我而歸去雲中相呼之急而歸者多故沙邊獨宿者少也末章以繫書初無別語特愁故山之薇

者未得如馬之歸爾賦也

欲雪避胡地先蒼別楚雲却過清渭影高起洞庭群塞北

春陰暮江南日色曛傷弓流落羽行斷不堪聞

言馬每年欲雪南來先蒼北去今也日暮洞庭高起則却過清渭春盡必到塞北若或傷弓則行斷而共聲不堪聞矣賦也

奉酬寇十侍御錫見寄四韻復寄寇

往別郇瑕地于今四十年来簪御史筆故泊洞庭船詩憶

傷心處春深把臂前南瞻按百越黃帽侍君偏

深曰魏畧侍御史簪白筆立殿陞書過以記不去按百越言按察百越之郡○言從昔於郇瑕之地相別今四十年矣而寇為御史相遇於洞庭故見寄詩相憶當奈春把臂而傷心焉既而又見黃頭郎祗候乃知爾南百越又將別去其難恨應為何如哉賦也

暮秋將歸秦畱別湖南幕府親交

水闊蒼梧遠天高白帝秋途窮寧免哭身老不禁愁大府

才能會諸公德業優比歸衝雨雪誰憫弊貂裘

鶴曰是秋公將北歸卒於潭岳之間○言蒼梧野則水闊白帝城則天高此地皆不免有窮途之哭况我身老豈禁愁耶是以有歸秦之思目大府才能所集之地而諸公德業俱優今將北歸衝冒雨雪誰能憫

其窮而濟之耶賦也

過洞庭湖

蛟室圍青草龍堆隱白沙護堤盤古木迎櫂舞神鴉破浪

南風正回檣畏日斜湖光與天遠直欲泛仙槎

言蛟室則圍青草龍堆則隱白沙古木護堤神鴉迎棹書過洞庭湖所見之景物也回檣破浪則南風正矣特畏日斜而欲暮耳言將歸秦而回船過之也未言湖光遠與天連直欲泛仙槎而升矣賦也

杜律單註卷之七終

生員檀輪繕寫
省祭官邢仁督刊



